

Ленин тұл

КК(б)П Солтүстік Қазақстан Облыстық Комитетінің, еңбекшілер депутаттарының облыстық Кеңесінің және КК(б)П Петропавл қалалық комитетінің органы

Шығуына
26-шы жыл
№ 109
(68010)
1944 жыл
Сенбі
3 июнь
Жеке саны
20 тыйын

ЕГІН ЖЫЙНАУҒА ОЙДАҒЫДАЙ ӘЗІРЛЕНЕЙІК

Облысымыздың колхозшылары мен совхоз жұмысшылары жеңісімізге сай егін өсіру үшін егіс даласында қажырлы еңбек істеуде. Бірсыңра колхоз, совхоздар егіс жұмысын дер кезінде, сапалы аяқтап, жоппардан тыс гектарлаған егін егу де. Егіс жоппарды толық орындап, жоппардан тыс егін егу—ардақты міндет.

Қазір алдымызда тұрған жауапты кезеңнің бірі—егін жыйнауға ойдағыдай әзірленіп, комбайндар мен егін жыйнау машиналарын сапалы жөндеу.

Облысымыздың МТС және совхоздарында өткен жылы комбайндар мен егін жыйнау машиналарын жөндеуде елеулі кемшілік болды. МТСтар мен совхоздар комбайндарды жөндеуге кеш кірісіп, жұмысты ұзаққа соzdы. Жер бөлімдерінің қызметкерлері, МТСтар мен совхоздардың басшылары комбайндарды жөндеу жұмысының табысты болуы үшін шешуші күрес жүргізбеді. Сол сияқты, жөнделген комбайндар мен егін машиналарының сапасы да мүлде төмен болды. Комбайншыларды және егін жыйнау машиналарын басқарушыларды әзірлеу ісіне де ойдағыдай көңіл бөлінбеді. Осының салдарынан өткен жылы облыс колхоздары мен совхоздарында егін жыйнау жұмысы қыммысты түрде кешеуілдетілді. Кей жерде егіннің жыйналмай қар астында қалуы да болды. Сөйтіп колхоз, совхоздарымыз мемлекетке астық тапсыру жоппарын орындай алмай, отанымыз алдында борышты болып қалды. Өткен жылы егін жыйнау, бастыру машиналарын жөндеу ісі де нашар ұйымдастырылды.

Егін жыйнауға колхоздар мен совхоздардың бір жыл ішіндегі жұмысының нәтижесі байқалады. Егін жыйнау—маусымды жұмыс. Сондықтан ол ырығалып-жырғалуды көтермейді. Егін жыйнау жұмысына ойдағыдай әзірлік керек. Ең алдымен, комбайндарды, егін жыйнау машиналарын дер кезінде, сапалы жөндеу ісіне назар аудару хажет.

Бірсыңра МТСтар мен совхоздардың басшылары комбайндарды, егін жыйнау машиналарын жөндеу жұмысына ойдағыдай көңіл бөлмей отыр. Олар өткен жылы болған елеулі қателіктерден сабақ ала алмаған. Тіпті облысымыздың бірсыңра МТСтары мен совхоздары комбайн паркін жөндеу ісіне әлі күнге дейін кіріскен де жоқ. Олар «барлық күш егін салу жұмысына жұмсалуда, егін жыйнауға әлі ерте ғой» деп арқаны жөнге салады.

МТСтар мен совхоздарда комбайндар мен егін жыйнау машиналарын жөндеу ісіндегі кемшіліктер дереу жойылып, оларды жөндеудің

жоппары уақытылы орындалатын болсын. Комбайн паркін жөндеуде жұмыс қарқынын күшейтіп, еңбек өнімін арттыру үшін еңбекті үлгілі ұйымдастыру керек. МТСтар мен совхоздардың мастерскойларында комбайндарды, егін жыйнау машиналарын жөндеудің күнделік графигі жасалып, оның мүлтіксіз орындалуы қамтамасыз етілетін болсын.

Комбайн паркін жөндеуде үзел әдісін қолдану—еңбек өнімділігін арттырып, жұмыс қарқынын күшейтеді. Сондықтан комбайндарды жөндеу ісінде үзел әдісін кеңінен қолдану, ұйым күш жұмысау керек. Мұнымен бірге, комбайндарды жөндеу жұмысының сапалы болуына ерекше назар аударылуы хажет. Жөнделген комбайндарды қабылдау жөніндегі тағайындалған төртінші дүрыс сақталатын болсын. Жөнделген комбайндарды қабылдау жөніндегі мемлекеттік комиссия комбайндардың сапалы жөндеуіне ерекше көңіл бөлуге міндетті.

Партия, кеңес және комсомол ұйымдары комбайндарды, егін жыйнау машиналарын жөндеу жұмысын да МТСтар мен совхоздарға көмекке қаладағы өнеркәсіп орындарынан, завод, фабрикалардан маман жұмысшылар жіберуге, ал завод, фабрикалар мен өнеркәсіп орындары комбайндарға, егін машиналарына керекті қосалқы бөлшектер әзірлеу жөніндегі жоппарын мүлтіксіз орындауға міндетті. Өткен жылы жөнделген комбайндарда кейбір бөлшектер (дәл түпқыш, астық түсіргіш тағы басқалары) орнатылмады. Бұйыл бұл хателіктер қайталанбасын.

Комбайндарды, егін жыйнау машиналарын сапалы жөндеумен бірге комбайншыларды және егін жыйнау машиналарын басқарушыларды әзірлеу ісіне ерекше көңіл бөлу керек. Кейбір МТСтар мен совхоздардың басшылары комбайншылар курсына жіберу үшін адамдарды іріктеу жұмысын кешеуілдетіп отыр. Бұл жұмыс дереу аяқталу керек. Әрбір МТС пен совхозға канша комбайншы, егін жыйнау машиналарын басқарушы керек екендігі тексеріліп, оларды әзірлеу жұмысы дереу қолға алынысын.

Комбайндарды, егін жыйнау машиналарын жөндеушілер арасында үгіт-көпшілік жұмыстарын жүргізу—еңбек өнімін арттырудың басты шарты. Партия және комсомол ұйымдарының басшылары жұмысшылар арасында көпшілік жұмысын үлгілі жүргізуге міндетті.

Комбайндар мен егін жыйнау машиналарын дер кезінде, сапалы жөндеп, егін жыйнау жұмысын сақадай сай әзірлікпен қарсы алайық!

Кеңес Хабаршы бюросынан

1 ИЮНЬДЕГІ ҰРЫСТАР МӘЛІМЕТІ

1 июньде Яссының солтүстік жағындағы ауданда әскерлеріміз дұшпанның жаяу әскерлері мен танктерінің барлық шабуылын ойдағыдай тойтарды. Алдын ала алынған мәлімет бойынша, бір күнгі ұрыста әскерлеріміз немістердің 18 танкі мен 15 самолетін жойды.

Анықталған мәлімет бойынша, Яссының солтүстік жағындағы ауданда 30 және 31 май күндері болған екі күнгі ұрыстарда әскерлеріміз немістердің 148 танкін қыйратты, жойды. Әуе ұрыстарында және зенит артиллериясының оғымен дұшпанның 197 самолеті атып түсірілді.

Майданның басқа учаскелерінде айтарлықтай өзгеріс болған жоқ.

31 майда әскерлеріміз барлық майдандарда немістердің 56 танкін қыйратты, жойды. Әуе ұрыстарында және зенит артиллериясының оғымен дұшпанның 110 самолеті атып түсірілді.

Яссы қаласының солтүстік жағында әскерлеріміз дұшпанның танктері мен жаяу әскерлерінің ірі күштегіне қарсы кескілескен ұрыстар жүргізуде болды. Кеңес бөлімдері зениттік артиллериямен минометтерден және пулеметтерден оқ жаудырып немістердің барлық шабуылын тойтарды. Кейбір жерлерде кеңес танктері мен жаяу әскерлері бірнеше рет ойдағыдай қарсы шабуылға шықты. Н. бөлімнің жауынгерлері гитлершілдердің бірінен соң, бірі ұш шабуылын тойтарды. Ұрыс даласында жаудың 800 өлті, дұшпанның өртенген 17 танкі мен 5 бронетранспортері қалды. Екінші бір жерде румындардың бір полк жаяу әскері бекінісімізге шабуыл жасады. Кеңес жауынгерлері шабуыл жасап келе жатқан дұшпанды әлсіретті де қарсы шабуылға шықты. Румындар әскерлеріміздің берген соққысына төтеп бола алмай бет-бетімен зытты. Оларға немістердің бөгеуші оярыды автоматтар мен пулеметтерден оқ жаудырды. Жүздеген румындар немістің оғына ұшты.

Станислав қаласының солтүстік-шығыс жағында немістердің бір батальон жаяу әскері танктерінің көрдеммен бекінісімізге шабуыл жасады. Қолма-қол шайқасқа айналған екі сағаттық ұрыста дұшпанның ұш тасталды. Артиллерия оғымен немістердің 6 танкі қыйратылды. Ұрыс даласында жаудың 100ден аса солдаты мен офицерінің өлімі қалды.

Тирасполь қаласының солтүстік-батыс жағында Н. құрамасының зениттік артиллерия мен минометшілері дұшпанның тұрған жерінде айқындалған нысаналарға оқ жаудырды. Немістердің 5 зенбірегі мен 8 пулемет ұясы жойылды.

Бір бөлімшеміздің мергендері бес күн ішінде немістердің 30 солдаты мен офицерін жер жастантты. Қатардағы жауынгер Мельников 13 гитлершілді өлтірді, мерген Левадний—5 немісті, мерген Зинаида Архипова 4 немісті жойды.

Витебск қаласының солтүстік-батыс жағында лейтенант Рябовтың барлаушылары күндіз дұшпанның траншеясына басып кірді. Тұжы-

йылдан болған шабуылдан абыржып немістер қарсылық көрсете алмады. Жауынгерлеріміз автоматтардан оқ жаудырып бір топ гитлершілдерді жойды және жаудан адамдар қолға түсірді де бөлімдеріне қайтып келді. Гвардия старшина Сметневтің басқаруындағы бір топ мергендеріміз тосқауылдан оқ жаудырып үш күн ішінде 14 немісті жер жастантты. Жас мерген Данилов жолдас 4 неміс солдатын, мергендер Камынин мен Шеретнев жолдастар әрқайсысы 2 немісті жойды.

Латвияның «Лачплесис» оярыдың бір топ партизандары немістердің майдан шебіне бара жатқан автосколоннасына тап берді. Кеңес отаншылары автоматтар мен қол пулеметтерінен оқ жаудырып дұшпанның жеңіл автомашинасын өртеді және оның ішіндегі үш неміс офицерін өлтірді. Осыдан кейін дұшпанды қарсы айқаста немістердің 15 солдаты жойылды. Латвияның «Виестурск» партизан оярыды үш күнде немістердің 4 әскер эшелонын құлатты. Партизандардың қымыл жасауы нәтижесінде темір жолдың әрбір жерінде поезддардың жүруі бес тәулік бойына тоқтатылды.

2-Украин майданының бір учаскесінде немістердің 293 жаяу әскер дивизиясындағы 512-полктің унтер-офицері Вальтер Фатернхамм қолға түсірілді. Қолға түсірілген фашист Фатернхаммның қаншагерлік жөнінде тәжірибесі мол екендігі анықталды. Ол 1937 жылы гестапоға қызмет істеуге кіріп, Александроплац (Берлин) ауданы маңында болған қолайсыз жағдайдың мән-жайын анықтайтын бөлімді басқарды. Оның бұйрығы бойынша «Телефункен» заводының Берлинде Целендорф Паулюсштрассе көшесі 25-үйде тұратын жұмысшысы Фриц Шульце, Нойкельде Юганнспрассе көшесіндегі 23/34-үйде тұратын жұмысшы Пауль Гизе асапталған. Фатернхамм кеңес-герман майданына келгеннен кейін де соғысқа қарсы ішкірін айыпқан солдаттарды ұстатты.

(Жалғасы 2-бетте).

ЛЕНИН АУДАНЫ, „БҰЛАҚ“ КОЛХОЗЫ

Куйбышев МТС трактор бригадасының бригадирі ӘУБӘКІРОВҚА, үлкен тракторшы САТБАЕВҚА, тракторшы ЖӘЙЛІБАЕВАҒА

Еңбекшілер депутаттарының облыстық кеңес аткомі мен КК(б)П облыстық комитеті, Сіздің трактор бригадасының тапсырма бойынша 108 гектар орнына 15-аттың күші бар әрбір трактормен бригада бойынша орта есеппен 229 гектар жер жұмыстап, сапалы жұмыс істегеніңізді, 123 килограмм жанармай үнемдеп жоғары еңбек өніміне жету жөніндегі социалистік жарыста үздік шыққаныңызды, сөйтіп көктемгі егіс жұмысында табысқа жеткеніңізді ерекше атап көрсетеді. Сіздің бригаданың үлкен тракторшысы Сатбаев және тракторшы Жәйлібаева жолдастар өндірістік тамаша табысқа жетті, олар өз тракторымен 301 гектар жер жұмыстап, тапсырманы 278 процент орындады.

Қол жеткен табысыңызбен құттықтай келіп, еңбекшілер депутаттарының облыстық кеңес аткомі мен КК(б)П облыстық комитеті Сіздерге—Сатбаев және Жәйлібаева жолдастарға бағалы сыйлық беруді ұйғарды, сонымен қатар бригаданың трактор паркін еңбек өнімін арттыру жолындағы күресінде Сіздер бұдан да зор табыстарға жетеді деп сенім білдіреді.

Облыстық кеңес аткомі председателінің орынбасары И. СКВОРЦОВ.
КК(б)П обкомінің секретарі Н. НЕЧАЕВ.

КЕҢЕС ХАБАРШЫ БҮРОСЫНАН

1 июньдегі ұрыстар мәліметі

(Басы 1-бетте).

берілгестіңізге қызмет етеді. Фашисттер жөндеті көптеген кеңес адамдарын алып өлтірді. Бұл жаналғыш карттарды да, әйелдерді де, жас балаларды да аямады. Ол жауабынша мынаны мәлімдеді: «Орел ауданынан шегінерде біз Александровка деревнясын өртедік те оның адамдарына батысқа қарай көшіп шығу жөнінде бұйрық бердік. Үш шаруа ешқайда бармай өртенген деревняда қалатындықтарын айтты. Рота командирі капитан Штеинмецтің бұйрығы бойынша, мен оларды атып өлтірдім. Екінші бір жерде шегінерде біз деревнядан барлық адамдарды, оның ішінде карттар мен балаларды өзімізбен бірге алып шықтық. Жолда балалардың жүруге шамасы келмеді, кей біреулері жүре алмай құлады. 4 жас шамасындағы екі бала жүре алмай құлап қалды. Капитан Штеинмец оларды атып өлтіру жөнінде бұйрық берді, бұл бұйрықты унтер-офицер Леопольд орындады. Аз уақыттан кейін тағы да үш бала құлады. Мен бұл балаларды атып өлтіру жөнінде бұйрық бердім және бұл бұйрықты табанымда орындадым». Бұдан әрі шегінерімде обер-фельдфебель Шойерманмен, обер-фельдфебель Райманмен, капитан Райхгольцпен және басқаларымен бірге жүріп Бряньскі-Орловка, Терновой Балка аудандарында, Болбринен ауданында тағы басқа жерлерде адамдарды атып өлтіргендігін айтты. Вальтер Фатерман—солдат емес, әйелдерді, карттар мен балаларды өлтіруші. Мұндай сұрқыны тек титлер тәртібі ғана тудырады.

15000 сомның продукциясын өндірді

Петропавл ет комбинатының жаңындағы фабрика-завод мектебінің оқушылары арасында тәлім-тәрбие жұмысының жақсарып, социалистік жарыстың кеңінен өрістеуі нәтижесінде оқушылардың өндірістік қызығарып, май айының оқу программасын 100 процент орындады.

Мектеп оқушылары өндірістік тәжірибеде жұмыс істеп, 15 мың сомның продукциясын өндірді. 1-бөлімнің оқушылары май айының оқу программасын толық орындап, өндірісте тәжірибе алу жұмысына белсене қатынасты, сөйтіп мектепте бірінші орынға ие болды. Оқушылары Синицкова, Плосовский, Колесникова жолдастар оқу өндірісінде үлгі көрсетіп, сабақты барлық пәннен өте жақсы үлгеріп жүр.

Комсомолецтер мен жастары соғыс әрекетін үйрену ісіне белсене қатынасып, отан қорғау ұйымдарының жұмысын күшейтуде. Жақында 20 комсомолец Ворошилов атқышы значокпен норма тапсырды.

21 майда болған кросста фабрика-завод мектебінің комсомолец-жастары бірінші орынға ие болды.

Фабрика-завод мектебінің оқушылары қол жеткен табысты баянды етіп, міндеттемені ойдағыдай орындау үшін қажірлі еңбек істеуде.

А. БУШЕРОВА,

Фабрика-завод мектебінің директоры.

ЕГІННЕН МОЛ ӨНІМ АЛУ ҮШІН КҮРЕС—
ЖЕҢІСІМІЗ ҮШІН КҮРЕС

ОБЛЫСЫМЫЗДЫҢ ЕГІС ДАЛАСЫНДА

Облыстық жер бөлімінің мәліметі бойынша 31 майда облыс колхоздары 5597 гектар ғана егін екті. Майдандық онкүндіктің өткен күндеріне қарағанда бұл күні мардымды жұмыс істелмеді, жұмыс қарқыны тіпті бәсеңдеді. Осының салдарынан күнделік жұмыс мөлшері небары 45 процент ғана орындалды. Көктемгі егіс басталғанды 214.258 гектар егін егілді, бұл жоспардың 76,5 проценті.

Көктемгі егіс жұмысында Петропавл ауданы алда келеді. Мұнда егіс жоспары 90,2 процент орындалды. Октябрь ауданының колхоздары көктемгі егіс қарқынын күн санап күшейтуде. Бұл аудан бір күнде 1038 гектар егін егіп, жоспарын 84,9 процент орындады. Мамлют ауданы үшінші орынға ие болды. Мұнда 31 майда 712 гектар егін егіліп, егіс жоспары 80,7 процент орындалды. Приешім ауданының колхоздары егіс жоспарын 79,2 процент, Ленин ауданы—77,1 процент орындады.

Егісте бірсыпыра аудандар кешіргісіз артта қалды. Мәселен, Конюхов ауданы бір күнде бар болғаны 150 гектар ғана егін егіп, жоспарын 65,5 процент, Преснов ауданы жоспарын—69,7 процент, Булаев ауданы бір күн ішінде 255 гектар егін салып, жоспарын 67,5 процент, Совет ауданы егіс жоспарын 71 процент орындады. Бұл аудандар бүкіл облысымызды артқа тартып келеді.

Жоғарыда аты аталған аудандардың басшылары егіс жұмысында бұл сыяқты ойсыраған олқылықты дереу жойып, көктемгі егісті майдандық онкүндік кезінде толық аяқтауға міндетті.

Агротехника ережесі бұрмаланбасын

«Жаңа талап» колхозының (Октябрь ауданы) басшылары егіс жұмысында агротехникалық шаралардың мүлтіксіз орындалуына көңіл бөлмей отыр. Колхозда агротехникалық ережелер өрескел бұрмалануда. Мәселен, жырылған жерге тұқым себіледі де ол жер 5—6 күн бойына культивацияланбайды. Онымен бірге тракторшылардың жер оқырғанда

жал қалдыруы, жерді саяз жыртуы кездесіп отыр.

Колхоз басқармасының председатели Нұртазин жолдас агротехникалық шаралардың өрескел бұрмалануына жол беріп келеді. Аудандық жер бөлімінің басшылары бұл қылмысты көре тұра, оған төзімділік істеп отыр.

А. ЭЛИН.

Украинаның 5 облысы дәнді және бұршақ егісінің жоспарын орындады

Украин КСР-ның Днепропетровскі, Запорожье, Киев, Сталин, Каменец-Подольскі облыстары дәнді және бұршақ егісінің мемлекеттік жоспарын орындады.

Ауыл шаруашылық продукцияла-

рының жалпы өнімін арттыру үшін колхозшылар егіс көлемін ұлғайтуда. Республикада жоспардан тыс 360 мың гектар дәнді егіс салынды.

Ерте егілген егістің арам шөбін отау жұмысы жүргізілуде. (ТАСС).

ҮЛГІЛІ ҚАРТ

Совет ауданындағы «Қызыл ағаш» колхозының мүшесі Серікбай Бижанов жолдас 80 жаста. Серікбай қарт әлі күнге дейін қарлықке тізе бүкпестен қажірлі еңбек істеп колхозшыларға көмектесуде. Серікбай қарт 11 жылдан бері колхоздың

малын күзетеді. Ол осы уақыттың ішінде өзі күзеткен малдың бірде біреуін шығынға ұшыратқан емес.

Серікбай қарт үлгілі еңбегі үшін колхоз басқармасынан әлде неше рет сыйлықтар алды.

К. ЖАҚЫПОВ.

Міндеттемелерін орындады

Артеліміздің мүшелері социалистік жарысқа жаппай ұштасып, қажірлі еңбек істеуде.

Тоқу цехының жұмысшылар коллективі Кеңестер Одағының Маршалы Сталин жолдастың 1-майдағы бұйрығына өндірістік табыспен жауап беруде. Бұл цех май айының өндірістік жоспарын 25 майда 154 процент етіп артығымен орындады.

Тоқу цехының жұмысшылары қол жеткен табыстарын баянды ете отырып, май айының өндірістік жоспарын 2 есе артығымен орындады.

Терілеу цехының жұмысшылары май айының өндірістік жоспарын толық орындап, жоспардан тыс 1500 сомның затын өндірілмекші болды.

Етік тігу цехының коллективі социалистік жарыста алғаш міндеттемелерін аброймен орындауда. Цех май айының өндірістік жоспарын 25 майда 113 процент орындады.

Стахановшы Артимова, Квасных, Назырова жолдастар белсене еңбек істеуі нәтижесінде күнделік тапсырмаларын әрдайым 150—250 процент орындап жүр.

Артель мүшелері майдандағы Қызыл Армияны азық-түлікпен қерегінше қамтамасыз ету үшін көптеген сапалы продукция өндіруді міндеттеріне алып, қажірлі еңбек істеуде.

САМАРҚАНОВ,

«Пищевик» артелінің председатели.

ИТАЛИЯДАҒЫ СОҒЫС ҚИЙМЫЛДАРЫ

ЛОНДОН, 31 май. (ТАСС). Италиядағы одақтастар әскерінің бас штабы, майданның Вальмонтоннен теңізге дейінгі барлық жерінде жаудың күшті қарсылық көрсетіп отырғандығын хабар етті. Бұл жерде жау өз шөбін қайткен күнде оқтап қалуға тырысуда. Англияның 8-армиясының бөлімдері Липри өзенінің арғы жағында үздіксіз алға басуда. Одақтастар әскерлерінің алға басыуы тоқтату үшін әрекет жасаушы жаудың алдыңғы әскерлерінің күшті қарсыласуын жеңе отырып, одақтастар әскерлері Альфенден, Фонтан, Спранголагалли, Пофи, Чекано (Фрозинонның оңтүстік-батыс жағында) және Арпино (Фрозинонның шығыс жағында) алған.

Одақтастардың тактикалық әуе соғыс күштері кеңе майдан шөбінде дұшпанның қатынас жоюлары мен жаудың соғыс орындарына қарсы ұрыс қиймылдарын жүргізуде болған. Одақтастар авиациясы дұшпанның Италиядағы соғыс орындарына шабуыл жасаған. Ауыр бомбарливровиштер құрамалары Виллер-Нейштад ауданындағы (Австрия) авиация заводы мен авиация қабдықтары заводына, Вельсдегі (Австрия) авиация заводы мен аэродромға, сол сыяқты Загребтегі (Югославия) темір жол станциясы мен аэродромға шабуыл жасаған. Одақтастардың Орта теңіздегі авиациясы 2400ден аса самолетпен жорық жасаған.

Югославиядағы ұрыстар

ЖЕНЕВА, 1 июнь. (ТАСС). Югославиядан алынған хабар бойынша, Югославияның халық-азаттық армиясының жоғарғы штабы, Герцеговинаның Гацко ауданында Югославия әскер бөлімдерінің немістің ірі колоннасын талқандағандығын хабар етті.

Батыс Боснияда азат етілген жерге өтуге тырысқан неміс әскерлеріне қарсы қатты ұрыстар болып жатыр.

Германияның тұтқын лагерлерінде кеңес соғыс тұтқындарының өлтірілуі

ЛОНДОН, 1 июнь. (ТАСС). Ассошиэтед Пресс агенттігі, Германияның Бавариядағы бір соғыс тұтқыны лагеріндегі кеңес соғыс тұтқындарының жайы туралы мәлімет алынғандығын хабар етті.

Хабарда былай делінген: «Немістер кеңес соғыс тұтқындарын аштан қатыруда, көптеген орыстар өліп жатыр. Соғыс тұтқындарына өте қаталдықпен қарайды. Орыстар тұтқындалған лагердің бұл бөлігінде әлсізәлі мылтық даусы естіліп тұрады. Орыстарды айуандықпен азаптау—герман лагеріндегі дағдылы іс. Бір күні немістер орыстар тұрған үйге полиция итін енгізді, сөйтіп бір топ кеңес соғыс тұтқындарына ит қосты. Немістер тағылықпен бұл «орыстарды жұмысқа тез шығуға мәжбүр етеді» дегенді айтты. Осыдан кейін неміс күзетшісі соғыс тұтқындарына пулеметтен оқ жаудырып, бірнеше адамды өлтірді».

Жауапты редактор

Ө. ОСПАНОВ.

«Қазақстанның 10 жылдығы» артеліне күзетшілер, есепші, қаңылтыршылар керек.

Адрес: Базарбай көшесі, 48 үй.

«Қазақстанның 10 жылдығы» артелі піма басын беру үшін халықтан жүн қабылдайды.

Адрес: Базарбай көшесі, 48 үй.